

李龍集

署 韻 誠 格



我存稿自序

我者何。龍石子自我也。我存稿者。以稿因我而存也。異日之有我。無我。不可知。稿之存。不存。亦未可知也。唐張燕公序張司馬集。呂溫作地志圖序。按唐藝文志。皆無此兩書。可知當代歸然鉅秩。積書滿床。不轉瞬間。化爲冷風。卽名人之序。亦不過木蘭之櫝而已。墳土未乾。身名俱滅。東阿所以興嘆也。是以膏飫咎單。帝王之籍也。郭公夏五。聖人之筆也。其如儀庚陔黍。神鳳祈招之逸而不存者何。限矧後世。鳥語蟲吟。沾沾自喜者乎。卽以文而論。張芸叟爲梁況作志。秦少游爲陳后山父銘。何子應作陳叔易墓志。徐師川題豫章集後。皆膾炙人口。不惟本集不傳。卽東湖之文。亦未刊入。再如梅聖俞文冠一時。而宣城集中止有和靖詩序一篇。他若秋聲賦書後。文類序。孫子注。及答蘇軾書。皆有可觀。僅於歐陽永叔書中見之。其他無有也。我不敏。旣無古人之名位。又無古人之學問。上焉不尊。下焉無徵。不能出而問時焉。能存以待後。又何敢蛙覺井寬。蟻言樹大等。不自量之。魏收也。且所謂稿者。未定草也。旣

云未定。則有待於郢削也。然則何不自改之而自刪之。以爲刪之則不可勝刪。亦若改之無可改也。韋莊云。謝元暉文集盈編。止誦澄江之句。曹子建詩章邃古。唯吟清夜之篇。左太冲十年三賦。未必無瑕。劉穆之一日百函。焉能盡麗。班張屈宋。亦有蕪詞。沈宋應劉。猶多累句。由是觀之。古人之不自刪且改也彰彰矣。况孟堅之頌。尙貽似贊之譏。士衡之碑。且有類賦之誚乎。我以流亡逋客。絕無好懷。信手拈來。焉有體制。每見山川草木。盡助悲涼。雪飢風饕。皆成駭境。問天不語。舉目無儔。亦惟向風月哭之。花鳥訴之而已。卽金樽檀板。舞扇歌場。豪竹哀絲。無非苦調。是以搖筆灑淚。動墨染血。行間紙上。盡作啼痕。誠有如李卓吾所謂發狂大叫。淋漓痛哭。使見者聞者。切齒齧牙。欲殺欲割者也。楊子幼云。人情有所不能已者。雖聖人弗禁。韓子云。物不得其平則鳴。蓋以苦愁所迫。哀思必多。情由境生。古今一轍。使杜老遭際太平。則詠懷北征。可以不作。使太白得侍從以終。則孤憤諸篇。亦無由而發也。然稿之係以我者。蓋又有說焉。嘗見剽竊勦襲者流。每擬一稿。謂某作從某人入手。某篇從某篇脫胎。

文必取左國之神髓。詩必踞李杜之堂奧。舉畢生之聰明才力。盡爲古人所縛。若忘其爲我。非古人。古人亦非我。所能學步者。卽偶得形似。亦不過屠割屈宋。奴隸班揚。唾咳韓柳。優孟歐蘇而已。又安能以千載以下之我。與古人肩隨。驅駕耶。婢學夫人。徒自苦耳。昔龍門作長卿傳。如長卿之文。李方叔之文。酷似唐蕭李。韓駒詩絕似儲光義。東坡表忠觀碑序。似太史公諸侯王表。銘似柳子厚塗山銘。此皆無心於似者也。昔陳無已嘗謂髯蘇詩。初學劉禹錫。故多怨刺。晚學李謫仙。未免失於粗。以長公空絕之才。猶若失其爲我。彼所謂白狗一旦飛上天。黃狗一去三千年者。直謂之不知有我可也。東坡云。天下幾人學杜甫。誰得其皮與其骨。山谷云。世人但學蘭亭面。欲換凡骨無金丹。吾謂學古人者亦然。然則古人遂不可爲法乎。曰不然。天下事事不可離古人之法。後人。事事不可泥古人之法。蓋泥古之患。甚於滅古。如莽學周公。瞞學文考。燕噲子之學堯舜。何一非泥古人者。階之厲也。豈獨文章爲然哉。吾少短於才。長而多故。諸子百家。未能涉獵。然每以攘唾拾慧爲恥。在古人固不知有我。在我。

亦。若。不。知。有。古。人。者。故。論。其。跡。若。於。古。人。之。外。獨。成。其。爲。我。原。其。心。寔。於。古。人。之。中。無。可。擬。我。也。若。謂。自。樹。旗。幟。獨。闢。蹊。徑。不。特。有。以。薄。古。人。亦。且。有。以。誤。我。矣。豈。命。名。之。本。心。哉。然。則。何。不。求。人。作。序。曰。不。敢。也。求。之。名。公。巨。卿。不。以。爲。言。餽。則。以。爲。干。謁。求。之。老。師。宿。儒。半。守。程。朱。家。法。不。以。爲。背。道。則。以。爲。踈。狂。求。之。燕。許。大。手。筆。自。以。嫫。母。鹽。無。羞。露。穢。形。於。鄭。旦。移。光。之。側。則。又。有。小。巫。見。大。巫。布。鼓。過。雷。門。之。慮。而。汪。彥。章。陳。眉。公。輩。皆。曳。裾。躡。履。於。王。公。大。人。之。前。終。日。習。爲。諛。墓。之。文。又。安。能。爲。窮。措。大。潦。倒。狂。生。作。序。耶。嘗。讀。伴。星。草。自。序。云。爵。詞。多。鄙。俚。曷。敢。問。序。於。人。流。離。播。遷。牢。騷。而。不。可。遏。而。其。窮。亦。至。是。而。劇。然。則。我。稿。之。存。亦。惟。序。其。窮。劇。牢。騷。流。離。播。遷。已。耳。我。自。庚。辰。被。逮。拘。係。樂。郊。臨。溟。兩。禁。中。凡。十。三。閱。月。壬。午。春。仲。謫。戍。西。行。所。有。親。朋。答。謝。酒。後。咏。懷。共。得。書。稿。雜。作。若。干。首。悉。著。爲。篇。並。取。伴。星。草。之。意。自。爲。序。以。弁。其。端。俾。知。聖。人。蒙。難。利。用。明。夷。君。子。懷。刑。生。於。憂。患。倘。他。日。蕩。滌。瑕。穢。塵。洗。天。波。覆。轍。前。車。可。爲。殷。監。此。稿。之。存。殆。猶。是。管。夷。吾。不。忘。堂。阜。之。初。心。也。是。以。恕。我。悲。我。而。我。不。

之喜。詬我。詈我。而我。不之。怒。他日。無我。後。見此稿者。其爲祖龍之炬。君苗之焚。陸子之糊醬。紙毛穎陳元之投溷廁。而我。不知也。蓋我之。不存。稿將焉附。不知有我。安知有稿。則稿與我。亦同歸於盡而已。如謂虞卿因窮愁而著書。史遷垂空文以自見。則非以我存。稿是欲以稿存我也。則吾豈敢。則吾豈敢。

我存稿卷上目錄

古高陽氏三韓老巒龍石子手著

與賀春樵書

與陳芙塘書

覆達漢植李子心公啟

覆王冠廷孝廉曲漢植明經張衡三茂才公啟

復慶愛庭欒鈺甫公啟

與李子心書

與孫筱峯書

與宗厚臣書

與白鴻閣書

賀記名御史翰編曾與九年啟

李龍集
賀捷勇巴圖魯雲字右營統帶張雲亭軍門年啓

與李子心民曹啓

謝譚子璘比部借紹帽啓

寄劉東葛啟

與黃胎泉書

與康韻松書

與譚子璘比部周季先孝廉蕭又蓮副車公啓

與鉅鹿令趙星府同年啓

上四川重慶府丁仙譜前輩書

賀新授甘肅鞏秦階道姚馨圃榮任書

我存稿卷下目錄

關左古臨溟半髯叟我道人龍石手著

與王錦堂書

寄壽作三啟

致懷紹伊啟

寄李子新啟

致朱子襄陸子餘兩孝廉公啟

致劉東葛啟

慰壽作三下第書

致白鴻閣啟

上前浙閩總督現河南巡撫李子和鄉前輩書

與錫聘之閣學書

與監察御史曾與九譜弟書

與王冠廷曲漢楂兩兄公啟

與楊鳳阿書

答李子心書

與宮雲翮書

與王蘆階書

與王誠齋書

與內閣中書張品山書

與趙子藩書

我存續稿上目錄

都門送別白鴻閣東歸書

寄曾能九侍御啟

寄胡景仲啟

寄趙子藩啟

寄李子心啟

寄胡景仲啟

寄徐穉生啟

與李子心書

與劉東葛書

寄梅東閣啟

寄李子心啟

寄白鴻閣啟

與張小渠王液清兩生書

寄文雪門啟

與秦煦堂書

與郭子新書

與曾與九書

與胡景仲書

上丁仙譜前輩書

我存續稿下目錄

與王冠廷書

與宗厚臣書

復綏勇巴圖魯趙蘭甫譜兄軍門書

復岳州鎮標沅江營守備章蔭亭書

復瓜州鎮標三江營守備符燮卿書

與瓜州鎮標中營守備彭作吾書

武功將軍符振廷封翁八十壽序

徽州旌表節婦詹程氏七十壽序

恩榮耆老盛朝瑞九十雙壽序

西山憶舊遊記

澶淵和契丹論

蘇東坡范增論書後

與文雪門啟

謝前四川重慶府太守丁仙譜書

與張子琦明府書

復章蔭亭譜弟書

寄李子心啟

與徐少雲同年書

寄譚子齡同年書

與胡景仲五兄書

寄吳浦生書

與陶訪予譜弟書

與家子心弟書

與文雪門書

寄吳浦生書

與蕭又蓮譜弟書

與賀春樵書

壬午十月初十日

中秋作別時深悵惘神馬尻輪早隨鞭鐙東下矣塲前悟英塘面驚悉少棠父子噩耗語未及竟涕零如雨一門鬼籙千載人琴對此茫茫曷能已已虞挽倍殷思舊楚些何處招魂塵埃風燭庾信傷心亡壑藏舟莊生寄慨老桂共曇花一現靈椿感玉樹先摧縱曰葛洪如睡生者何堪卽令桑戶返眞天乎太遽王郎拔斫地之劍放聲長號太白碎邀月之杯有天難問造物之報施善人固若是哉以少棠文擅雕龍辨析天口鮑幾則博涉文史謝朓則素無宦情孝友本於性生鄉黨之言無間行詣則千里絕跡意氣則百尺無枝役志簡編放情詩酒橫琴雲際席月澗門旣不若韋叡之體羸更非如吳質之軀弱彼伯牛疾折顏子中涓之慨原不煩爲少棠顧慮也乃以昊天不弔人之云亡金刀掩芒長淮絕澗王規無端徂謝劉遵竟不永年鵬鳥先歸瓊瑰欲泣生離死別無緣遺孺子之芻烟海人天何日掛延陵之劍亦可哀矣豈不痛哉當弟在都時每一相見不勝悵觸比欲在弟前傾吐一瀉老淚朱駿聲

諄囑再四不令以情相剖誠恐以孝陵之隕致傷孝儀之神感舊老懷終未得對弟盡興一哭及弟東旋過送感慟又生淚欲墜而急收者再臨別忍淚強笑相告但言見少棠面語以老朽尙存可也比時弟尙在夢中安知余言之悲切乎猶憶夏初在錦夜雨傾談燈炮酒闌相對泣下少棠嘗撫余而言曰與兄相識垂二十年過眼鴻泥不堪回首兄今作流人弟仍故我人生百年瞬息拋過爾我髣髴皆種種矣前程遠大珍重自愛晉山錦水道路幾千數載心交一朝別去未知後會尙在何年但願生還早圖再見言之嗚咽氣噤移時若以僕身在網羅風塵流播竄逐殘年未知生死萬一瘞骨他鄉誠有艱於一面者而孰意少棠竟先我而永訣乎嗚乎少棠從此逝矣蘭蕙不芳寶琴零落金星影滅劍匣光沉高春之景未斜不周之風忽至一息千古異路三生奈何履喚子野愴神永逝賦哀士衡投筆僕以負罪逋逃雲山隔絕既不能望棺一慟奠杯酒慰知已於九原又不能執紼大呼臨佳城安故人於窀穸只以望風隕涕對月哭弔夢中路斷魂返楓林少棠有知尙須憐我倘春樵弟關心荆樹